

Lettre


du

L. 20370

Prince d'Orange

au Prince de Condé.

1615.



LETTRE

DV PRINCE

d'Orange en forme de remon-
strance : enuoyée au
nom des Seigneurs des
Estats de Hollande , à
Monsieur le Prince de
Condé.



A PARIS

De l'Imprimerie d'Anthoine du Brueij,
entre le Pont S. Michel & la ruë de
la Harpe, à l'Estoille cou-
ronnee.

M. DC. XV.

LETTRE

DU PRINCE

d'Orange en forme de
proclamation: envoyée au
mon sieur les seigneurs des
Etats de Hollande, à
Monsieur le Prince de
Condé.



A PARIS

De l'Imprimerie d'Annoine du Brueil,
entre le Pont St. Michel & la rue de
la Harpe, à l'Échoille con-
tournée.

M. DC. XV.



LETTRE

DU PRINCE D'ORAN-

ge, en forme de remonstrance, enuo-
yee au nom des Seigneurs des Estats
de Hollande, à Monsieur le
Prince de Condé.

MONSIEUR,
Toutes mes affectiōs
meilleures ont tou-
siours esté au seruice
du Roy, & pour le bien de la Frâ-
ce, ainsi l'ay ie fait heureusemēt pa-
roistre des le viuant du feu Roy,
par tout ou ie me suis trouué, & du
depuis sa mort au Roy son fils, par
les tres-humbles submissiōs que
ie rendis à leurs Maiestez, lors que

A ij

vous assistant, ie me trouuay dans Paris avec vous, à vostre retour de Milan, & de Flandres : en consequence dequoy, & pour vne obligation perpetuelle, qui lie estroitement d'amitié les États avec la France, ayans esté iusques à presēt aduertis des guerres intestines & des grandes leuees d'armes qui se font en toutes les Prouinces du Royaume pour le seul respect de vostre mescontentement & de la retraicte de plusieurs Princes & autres personnes de merite & de qualité éminente, qui vous assistēt & prennent avec vous les armes, au desleu & desadueu de sa Maiestetres Chrestienne, le tout s'acheminant à la desolation de ses peuples qui souspirent & lamentent sur l'apprehension d'vne publique calamité: nous auons esti-

5
méchoſe digne de noſtre affectiō ,
en reuanche de pareille faueur que
receut le pays , par l'interuention
de Monſieur le Preſident Ieannin
enuoyé de la part du feu Roy,
pour la reſolution de la Trefue a-
uec les Archiducs, cōme auſſi par-
ticulierement eſtant choſe de mon
debuoir qui m'oblige à cauſe de
noſtre proximité, de repreſenter
au Conſeil de voſtre Excellence, ce
qui ſemblé tres-cōuenable à voſtre
qualité, plus vtile à la reputation
des Princes & Seigneurs ialoux de
vous complaire, au ſeruice du Roy,
& au contentement de tous les
Princes Eſtrangers vos amis, pa-
rens ou alliez qui n'ont autre but
en leurs Conſeils que de recher-
cher le ſalut & les proſperitez des
Eſtats qu'iles ioignent.

Je commenceray donc, pour

vous dire, Monsieur qu'en toute forte d'Estats il n'y eust iamais faulte de gens que l'impatience du repos public, l'appetit desordonné de s'aggrandir, & l'incommodité des affaires domestiques, ne face porter leurs voix dans le Conseil des Princes pour engager leurs personnes à quelques nouueaux remuements, d'où il est tres-difficile de se retirer sans honte & sans reproche: Et comme nous pensions que vostre excelléce auoit les yeux trop clair-voyans pour ne discerner ceux qui desirent yrayement son bié, d'avec les autres qui poussez d'une aueugle passion, en se procuras pour eux mesmes du mal, s'enuelopperoient finallemét dans leur propre ruyne: tres-tristes & marris ont esté vos amis, quand ils ont appris que vous auez approu-

uéleurs Conseils, & accueilly de
 bouche & de cœur ces esprits vio-
 lents, qui abusans de vostre dou-
 ce humeur, n'ont pas manqué de
 vous faire conceuoir force beaux
 pretextes, pour donner couleur à
 l'iniustice de leur procedure, tan-
 tost ils trouuent à redire au gou-
 uernement de l'Estat, controllans
 les actions des ministres, qui exer-
 cent fidellemét leurs charges sous
 l'authorité de leurs Maiestez: & cõ-
 me si la France deuoit estre vn vais-
 seau conduit sans ordre, en des-
 crient le Gouvernement: & tou-
 tefois ceste digne Regence de la
 Royne & sa prudete cõduicte aux
 affaires expedies sous sõ autori-
 té pendant le temps qu'elle tenoit
 le gouuernail en main, est à la ve-
 rité recognuë de tous les Estrangers
 pour vn grand & signalé miracle

du Ciel, & tel se trópera tousiours qui pensera qu'a force de murmurer, contre ceste iuste administration il se rendra beaucoup plus cõsiderable, cõme si ceste Princessse n'auoit pas l'ame assez forte & genereuse pour desdaigner les chagrains & les mescontentemens volontaires qu'elle voit prendre à quelques vns deses suiects.

Mais que pensent aduancer telles gens par leurs caprices? Et vous Monsieur, que pensez vous faire avec eux, par ces armes que vous leuez, ne voyez vous pas tous les peuples & toutes les villes Capitales du Royaume portees au bien public, ne respirer que seruice & obeyssance? ne voyez vous pas plusieurs Princes n'abandonner la Cour & s'y cõtenir en deuoir? vous direz que vous estes Prince du fág
&

& comme premier, auez interest
 aux abus & desordres de l'Estat,
 mais qui plus que le Roy? attendez
 qu'il soit en aage capable de iuger
 des affaires de son Royaume, alors
 assiste & de vos Conseils & de vo-
 stre personne, s'il le trouue bon il
 remediera en peu de temps aux def-
 fauts desquels vous vous plaignez
 par vostre lettre declaratoire à no^s
 enuoyee, & sans armes, iamais la
 France ne se persuadera rien de b^o
 à esperer, tant que vous serez armé
 & que vous procéderez si mal que
 vous faiçtes pour la remettre en sa
 propre splendeur: pour reformer
 vn Estat il ne faut s'attaquer au
 Prince & est bien directement s'at-
 taquer au Prince puis que vous re-
 sistez à ses ordonnances, & auan-
 cez vos armes pour destruire les
 siennes.

L'exemple des Republicques

voisines est le vray modele sur lequel les Princes se doiuent gouverner.

L'estat de toute la Hollande est purement Aristocratique, qui se gouverne & regist par l'aduis & iugement des sages, dans le choix & par l'election desquels subsistēt les Chefs chacun selon sa charge, & quoy qu'ils ayent en main toute puissance, toute la Noblesse à leur suite, toutes les forteresses à leur commandement toutes les armes en leur disposition, & toutes les finances de la Republique en manniement, ils n'éabusent toutefois car le respect de l'amour qu'ils portent à la patrie, au bien de l'Estat, & à l'ordre estably de Dieu sur la terre, à tousiours plus de force sur eux que le desir de se seruir de ces forces pour se redre Maistres du pays, accroistre & agrandir leurs augu-

ites qualitez, ils ne commandent que par la voix de plusieurs, ils n'entreprenne que selon le contenu de leurs charges, & n'exécutent que ce qui plaist à ceux dont ils tiennent leurs titres honneurs, & dignitez en hommage.

Si en vn estat Aristocratique ceste police s'y retrouure, qu'elle doit elle estre en vne Monarchie florissante telle qu'est la France? où les Princes quelques grâds & premiers qu'ils soient sont tous vassaux & suiets du Monarque qui est maistre & seigneur absolu de la vie des personnes aussi bien que de leurs moyens & facultez: & partant qui se rebelle contre luy, & entreprend quelque chose contre ses ordonnances, sa presumption mesme est sa condamnation.

En suite de tout ce que dessus considerez, Monsieur, le tort que

vous auez de vous plaindre de la Royne, qui a non seulement égalé mais de beaucoup surpassé les liberalitez du feu Roy à l'édroit de vous mesmes, de la Noblesse & de tous les grands du Royaume. S'il a pleu a ladicte Maiesté faire du bien & de l'honneur à vn des seruiteurs du Roy son fils quel à esté de siecle ou le Touuerain n'ait eleué & agrandy de sa main telles creatures que bon luy à semble.

L'Empereur Frederic eleua à la dignité de Comte vn pauvre rustique payfa nourry à la Champestre. Maximilia combla & d'honneur & de gloire, la maison d'vn simple Chirurgien auquel il donna 40. milles dalles de reuenu annuel pour vn seruire memorable, rédu à la Maiesté tombee en l'angoisse d'vne griefue maladie, nous l'auons veu du depuis à Amsterdan & à la

Haye faire encore exercice & pro-
 fession de son premier Estat: Et
 pourquoy le trouueroit on mau-
 uais, est-ce au seruiteur à regarder
 de mauuais œil la faueur & la mu-
 nificence de son maistre exercee
 enuers autruy: Le bien d'un parti-
 culier quoy qu'estrâgen peut il cau-
 ser la ruine du pays? ou il'on voit
 qu'il depose & descharge tout le
 fruit de sa fortune? Tant s'en faut
 que cela doive exciter de l'enuie
 c'est vne gloire pour la France d'es-
 tre si debonaire enuers toute for-
 te de nations, qui elle les cherit à
 l'esgal de de ses propres enfans: ou
 Ce n'est d'oc pas là la vniuste
 suiect de plainte de faire la guerre
 c'est seulement quereller de gayeté
 de cœur & ce forger vn monstre à
 plaisir pour le combattre: Il y a en
 France assez de bien pour tous ie-
 tiens, ceste parole de vous mêmes,

il ne faut que le vouloir prendre de la main droicte & nō de la gauche, c'est a dire en se rendant souples & obeyssans au Maistre, & non pas cuider iouyr de ses faueurs en se mutinant : Car la puissanceroyalle est vne diuinité terrestre qui s'oppose a l'orgueil & flechit à l'humilité du vassal.

¶ Quand à la ialousie du gouuernement, de quoy vous vous estes plaint, que trouuez vous à redire aux Ministres, que leurs Maiestez employent & du Conseil desquels elles se seruent, ils ne portent leurs voix ny leurs aduis au dessus des vostres, quand ils vous plaist vous rendre au Cabinet pour resoudre quelque point de difficile consequence : ie sçay de qui & cōtre qui vous formez vos plaintes, ie les ay veus, ie les cognois, ce sont gens remplis de tant de suffisance, & si

capables d'exercer ces grâdes charges qu'ils tiennent, que quâd vous auriez remply leurs places de gens chofis a la poste de vos Conseillers & adioints, ils auroient bien de la peine d'y en mettre qui approchassent de leur merite: ioint qu'ils se passeroient bien de viure en vne Cour si pleine & remplie d'enuie, aymans mieux respirer le reste de leurs iours en repos & tranquillité chacun chez soy, que de viure la dedans avec tant de tracas d'enuies & de disgraces.

Pensez donc Monsieur, à tout ce que dessus, & vous representez s'il vous plaist, que comme anciennemēt à Rome le peuple ne regardoit iamais qu'à regret & en gemissant les triomphes de ceux qui auoient acquis leurs victoires dans les guerres ciuiles, Aussi Monsieur, donnez ce seul, contente-

ment à vos amis de croire, que toute forte d'imprecations & de malédictions tant de la France que de ses alliez vous iront poursuiuant, si vous cherchez de la gloire dans le trouble de vostre patrie, & en l'effusion du sang de vos concitoyens; ce vous seroit vn reproche & vn étache qui vous demeureroit sur le front, capable & suffisante de fletrir à iamais la reputation de vos ayeulx & de toute vostre famille au grand regret de M. de Vandrour, qui vous l'a tant de fois prédit & de moy qui suis à iamais.

De vostre Excellence le tres-affectionné Frere & seruiteur.

De la Haye le 6. d'Octobre 1615.

